

欽定剿平三省邪匪方略

正編

卷之四

四

清代官修書籍

舊板重印屬於史

料素材專供批判


研究之用

取突之民

機素林事於此

詩殊重印

散升官



御製剿平三省邪匪方畧序

天生民而樹之君使司牧之奚
能獨任斯事故必分命岳牧教
養兆庶誠能愛民如赤子民亦
敬官如父母豈有干犯名義之
事哉若不知教養聽其游惰及
至聚衆搶刦不得不用兵討捕

其實民則無知妄作官則不教
而誅良民被賊屠戮固深憐憫
卽罹法之賊亦不知所犯豈非
官失於教乎官旣不教民則有
奸詭之徒創立邪教幻稱彌勒
名踵白蓮斂錢惑衆治病燒香
妄談禍福因果愚民被其煽誘

醜類旣衆遂思蠢動到處鼓惑
並未易衣冠立國號不過意圖
刦掠子女財幣非有謀爲不軌
叛逆之心遂於丙辰年辰月起
於楚地蔓延陝蜀豕突狼奔蜂
屯蟻聚焚殺擄掠無所不爲雖
命將出師練團集勇奈旋翦倏

起東勝西逃如野火燎原卒難
撲救朕夙夜焦愁廣詢博採集
議而行虛衷延納賴經畧額勒
登保叅贊德楞泰忠勇清貞盡
力籌辦行間諸將士効命疆場
不避險阻而三省諸良民誼切
同仇知方有勇追奔逐北於蠶

叢寒暑飢餒艱苦備嘗經七年
之人事始告成擒戮著名首逆
百餘人積惡頭目數百人掃除
脅從二十餘萬衆悔罪投首者
亦有數萬而陣亡之將士以及
被害之黎庶更不可以數計嗚
呼痛哉予受璽臨軒適逢斯患

實予不德所致然揆厥所由總
因大法而小不廉上行而下不
效視官階爲利藪不恤國計民
生惟思保位謀利苟且因循遷
延疲玩守牧旣如此處心積慮
又何能體察小民之疾苦自然
視同秦越矣任吏胥作奸犯科

錙銖較量以致衆怨沸騰激而
生變官逼民反之語信非謬也
幸邀

天恩

考佑三省寧謐萬民復安予益

稟

天命難諶民暑可畏治益求治

安益求安兢業爲懷以期衆姓
咸登衽席永爲盛世之良民語
云經正則庶民興是在賢守牧
實心愛民有爲有守除暴安良
道德齊禮庶幾可望太平仰酬
我

皇考六十年治世之苦衷於萬

一若有剝削小民重利忘義或
自顧爵位徇庇劣員或自肥身
家凌虐黔首朕必執法重懲決
不姑恕若有政聲卓越善蹟彰
著之良吏朕必破格錄用立加
榮錫咨爾內外臣工贊襄圖治
公爾忘私國爾忘家上下交儆

用輦我國家億萬載無疆之慶
是予之至願也

嘉慶十五年十二月二十一日

欽定剿平三省邪匪方略

總裁總纂提調收掌纂修諸臣職名

總裁

經筵講官太子太師文華殿大學士文淵閣領閣事管理戶部理藩院事務稽察臣
奉 上諭事從寬寬嚴 御書寶圖閣八旗事務府三旗事務黃旗滿洲都統世襲騎都尉

慶桂

經筵講官太子太師文華殿大學士文淵閣領閣事管理臣
刑部事務稽察欽奉 上諭事件處世襲騎都尉

董誥

經筵日講起居注官太子少師體仁閣大學士翰林院掌院學士管理工部事務世襲雲騎尉

戴衢亨

原任 御前大臣太子太保領侍衛內臣
大臣正藍旗漢軍都統二等威勇公

額勒登保

原任 御前侍衛太子太保領侍衛內大臣管臣

德楞泰

理兵部事務正藍旗漢軍都統西安將軍三等繼勇公

經筵講官協辦大學士兵部尚書 臣 劉權之

經筵講官戶部尚書管理太醫院 臣 御藥房

托津

圓明園八旗內務府三旗事務正黃旗漢軍都統

原任內大臣戶部尚書鑲藍旗滿洲都統今降二品頂戴休致 臣 德瑛

經筵講官總管內務府大臣戶部左侍郎文淵閣提舉閣事管臣

英和

理武英殿奉宸苑事務鑲黃旗滿洲副都統左翼總兵

總纂官

大理寺卿今陞江蘇巡撫兼辦提調事 臣 章煦

光祿寺卿今陞湖北巡撫臣錢楷

兵部郎中兼辦提調事臣姚祖同

幫辦總纂官

內閣侍讀兼辦提調事臣何金

滿提調官

內閣侍讀學士今陞西寧辦事大臣臣文孚

內閣侍讀學士今陞吉林副都統臣松寧